

## 客語能力【高級認證】閱讀測驗（大埔腔）範例試題

※請考生定著愛先看過考試說明後，正來作答。

考試說明：

- 閱讀測驗分做兩種題型：
  1. 篇章理解：總共12題，先看一篇文章了後回答問題，逐篇文章會有3到4隻題目，請你擇出盡適當个答案。
  2. 填空選擇：總共12題，逐篇文章會有4隻題目，請你擇出盡適當个答案。
- 測驗時間：30分鐘。
- 答案卡劃記注意事項：
  1. 請用2B鉛筆作答。
  2. 畫記愛粗、愛烏、愛清楚，毋好畫出格，粹愛粹淨，使毋得用立可白抑係其他个修正帶；若係畫記無清楚，機器無法度辨認，斯無算分數。
  3. 答案卡愛保持淨俐，使毋得摺著。

※考撇了後，請同「題目卷、答案卡」兩樣，分監試人員收回，使毋得帶出考場。

-----開始作答-----

## 一、篇章理解（單選題，共 12 題）

下背个題目係題組，請先閱讀文章了後，根據題目个指示，擇出盡適當个選項號碼填入答案卡。

### 第 1 篇

有一年个新春，雪花飄飄、梅香陣陣，阿雪同阿梅兩儕在該賣弄身裝、展厥本德，看麼人較靚、較慶，相賽想愛做春天个霸主，麼人都毋肯輸麼人，兩儕爭到起逆面，請來遶奈个阿坡哥來做公親。

阿坡哥這看該看，踩踩踏踏，頭那皮都爪溜咧，斯係毋知愛分麼人第一好！佢看下遠山講：「對阿雪个白方面來看，阿梅輸阿雪有三分哦！」企俛梅樹來相，啟一下大氣又講：「在阿梅个香這方面來想啊，阿雪又輸阿梅一大截哦！毋過，過論起真來，阿梅好在有阿雪个撩弄，正顯出厥个精神，阿雪又好得阿梅个幫襯，正有佢个雅氣。」

會到臨暗咧，阿雪婆婆起舞，雪花片片，壅天壅地，歸个天地斯係厥个樣；阿梅散出清香，香氣湧天煞地，歸下乾坤斯沉浸在花香肚，如醉如夢，麼个天宮仙境乜比毋得。阿坡哥愕然清醒過來，盡尾佢下評論講：「儕儕都有贏个一面也有輸个一程，莫論高低哪！兩儕係融合起來好好展現各儕个才情，這大地个春色斯十全十美咧！」

1. 在這篇文章，阿坡哥仰脣評判阿梅同阿雪个比賽？
  - (1) 阿梅輸撇三分
  - (2) 阿雪贏一大截
  - (3) 裁判毋敢評分
  - (4) 公親無論輸贏
2. 下背哪個選項个比論，盡俛這篇文章盡尾个意思？
  - (1) 貓躁飯甌總成狗
  - (2) 瞞目背跛腳討食
  - (3) 蚊死在掌聲之下
  - (4) 打石堵著打鐵个
3. 下背哪個選項，盡適合做這篇文章个題目？
  - (1) 陽春白雪
  - (2) 公親難為
  - (3) 寒梅映雪
  - (4) 春暖花開

## 二、填空選擇（單選題，共 12 題）

下背逐篇文章各有4個空格，擇出盡適當个選項號碼填入答案卡。

### 第 1 篇

這幾年，各國還在該發人瘟。斯在外國搵到無結煞該下，臺灣人還天轉笠嫲花个樣過日。（1），這人瘟乜在臺灣爆出來，斯還一路出。

學校先生這下面對空空个教室，還有抓捉毋著个線上教學，一個人對緊電腦自言自語。厥等（2）慣勢寫粉枋，今還愛（2）學生聽有入耳。有兜先生个資訊能力原且都無恁好，（3）斯愛厥等線上上課，毋管先生抑係學生都（3）罈啡。

初下碼有兜學校將就同客語課程合班遠距教學。還（4），一個先生愛帶恁多學生。一個發人瘟，分教學現場改變了當多現象，毋過也有分僇跣著資訊时代个腳步，大家使得好好來思考這兜問題。

- (1) 敢毋會      (2) 盲知講      (3) 仰毋知      (4) 係仰脣
- (1) 還係...監      (2) 共樣...使      (3) 輒輒...逼      (4) 本成...準
- (1) 還無結煞...  
還過      (2) 抄無搵頭...  
仰會      (3) 無胚想著...  
正經      (4) 當無心性...  
實在
- (1) 毋知惱惜      (2) 衰過正得      (3) 膾面舐舐      (4) 堪該正得

【第 5 到 12 題略】

-----考試結束-----